

Tekuće održavanje i konzervacija zidina Starog grada Blagaja (Stjepan grad) IV Faza – nastavak radova

Tekuće održavanje i konzervacija zidina Starog grada Blagaja (Stjepan grad)
IV Faza – nastavak radova

Pokrenut postupak javne nabavke putem konkurentskog zahtjeva za dostavu ponuda za radove na predmetnom projektu dana 09.02.2022. godine. Sredstva su obezbjeđena u Budžetu Grada Mostara za 2022. godinu.

Nakon sprovedenog postupka javne nabavke Agencija "Stari grad" je 09.03.2022. godine potpisala Ugovor sa najpovoljnijim ponuđačem DZG

"GRAĐEVINAR FAJLA" d.o.o. za vršenje radova na projektu "Tekuće održavanje i konzervacija zidina Starog grada Blagaja – IV Faza" u vrijednosti od 76.644,95 KM sa PDV-om. Dana 07.03.2022. godine Agencija "Stari grad" pokrenula postupak javne nabavke usluga nadzora nad tekućim održavanjem i konzervacijom zidina Starog grada Blagaja – IV Faza. Za realizaciju nabavke, sredstva su obezbjeđena u Budžetu Grada Mostara za 2022. godinu. Nakon sprovedenog postupka javne nabavke, potpisan je Ugovor sa najpovoljnijim ponuđačem G.D. "Bižina" d.o.o. Mostar za nabavku usluga nadzora nad predmetnim radovima u vrijednosti od 3.199,95KM sa PDV-om.

U skladu sa ugovorenim obavezama i predmjeru radova izvršeni su slijedeći radovi:

I – Predhodni radovi:

Projektovati i izgraditi mašinsku rampu (širinu);

Troškovi snabdjevanja električne energije i deponovanja vode.

II – Pripremni radovi:

Čišćenje terena od rastlinja;

Priprema terena za montiranje skele;

Montaža i demontaža skele za izvođenje radova.

III – Konzervatorski zidarski radovi:

Demontaža nekonsolidovanog kamena;

Nabavka, transport i zidanje obraza zida postojećim i novim kamenom u omjeru 30:70. Kamen očišćen, sortiran i pripremljen za ugradnju, podloga zida očišćena;

Nabavka, transport i zidanje krune zida postojećim i novim kamenom u omjeru 50:50. Kruna zida urađena u blagom nagibu prema vani;

Obrada i zidanje Ćipaleta otvora sa dva lica, izrada lučnih nadvoja od kamena, izrada kamenih okvira. Kamen očišćen, sortiran i pripremljen za ugradnju;

Demontaža slabo vezanog kamena u unutrašnjosti, na istočnoj strani grada;

Iskop dvije sonde koje povezuju unutrašnjost utvrde i prilaza na dubini od 1.2 metra;

Nabavka, transport i zidanje zida sa dva lica postojećim i novim klesanim kamenom u omjeru 20:80. Kamen očišćen, sortiran i pripremljen za ugradnju, podloga zida očišćena;

Nabavka, transport i zidanje krune zida unutrašnjih zidova bedema postojećim i novim kamenom u omjeru 50:50. Kruna zida urađena u blagom nagibu prema vani;

Nabavka, transport i zidanje zida sa dva lica postojećim i novim klesanim kamenom u omjeru 20:80 ogradnog zida –prsobrana– u visini od 80cm od završne kote zida;

Građevinsko-arheološki iskop zaručenog kamenog materijala ispred i unutar bedema;

Nabavka, transport i ugradnja maltera za dersovanje zidova, bedema i utvrde krečnim malterom;

Nabavka, transport tucanika u visini 10cm i razastiranje po podu prostorije u kulama.

Izvođač radova je 02.06.2022. godine obavjestio Agenciju –Stari grad– o završetku radova na projektu –Tekuće održavanje i konzervacija zidina Starog grada Blagaja – IV Faza–.

Komisija za pregled izvršenih radova je 03.06.2022. godine konstatovala da su radovi izvedeni prema projektu u skladu sa važećim tehničkim propisima, standardima, normativima i obavezama koje proističu iz Odluke o proglašenju Historijskog urbanog krajolika Mostara nacionalnim spomenikom BiH.

{gallery}galerija/Stjepan_grad_IV_faza_2022{/gallery}